

Beschreibung des Südlichsten theils von Nordweghen / vnd dessen gelegenheit.



Nstlich das Gatt von der Nöfen ein zu segeln / sollet ihr bey west der Nöfen eingehen n.n.w. vnd lassen die Bisschoffs böde (welche mitten in der vört ligt) an baghbordt / vnd da innen kommend werdet ihr eyne Clipff finden vntter dem wasser da ihr euch für hüten sollet / vnd setzet es recht geghen der weyssen kirchen / binnen gemelter Clipffen.

Item das Westergatt von Mänsondt ein zu segeln / sollet ihr eingehn n.n.o. vnd euch fürsehen für den Clipffen / die von der innersten Inseln vntterdem wasser ligghen an scurbördt / vnd wan ihr da binnen kommet / setzen auff neun oder zehn vadem.

Item die Clöff ein zusegeln / haltet ihr die Kuh vnd das Kalff n.n.o. von euch vnd segelt all so bey west Melv ein / vnd hütet euch für der Cliffen welche im färwasser ligghet / vnd setzet es am west Lande / vmb dem hoeck / auff funffzehn oder sechzehn vadem: Aber bey öst Melv laufft ihr in Schersundt vnd Odendäl.

Item das Westergatt von Fleckerd: ein zu segeln wan ihr von bey west kommet / so lauffet bey den Bescheren von Heyligesunt langes / vnd wan ihr dan die voerdt von Fleckerd: n.n.o. offen seht für euch liggen / so segelt zwischen der Inseln vnd dem Meyland ein / vnd setzet es geghen der Clipffen da die Galge auff stehet / auff xv. oder xvj. vadem. Das östergatt streckt ein w.n.w. vnd man sicht die Fösse offen / lässt alle die schwerke Clipffen an scurbördt / vnd die Clipff mit den zwen Warderchen an baghbördt / vnd segelt also ein.

Item in der Xeperwijck zu segeln / so lasset ihr die zwen stengen die auff Wolffsundt stehn an scurbördt / vnd die drey Wardere mit allen Clipffen an baghbördt / vnd segelt also Nördt ein / vnd weichet dan vmb den hoeck westward auff / vnd setzet es auff zehn vadem. Vnd bey öst der stenghen laufft ihr in Wolffsundt hinder der Inseln vnd setzet es auff zwanzig vadem.

Item das Östergatt von Wolffsundt streckt Nördwest ein / vnd man lest die größe Clipff da die warder auff sticht an der Best seyde / vnd auff der Inseln Wolffsundt stehn drey warder / vnd man weichet dar nach westward auff / vnd setzet es da auff funff vnd zwanzig vade / ihr mügt fört durch die Clipffen segeln bis gehn alte Hylsundt / vnd streckt ein w.n.w.

Item Hamersundt streckt ein n.n.o. vnd mä setzet es hinder der Inseln / nebe die Warder auff dreyzig vadem. Das Östergatt von Hamersundt streckt auß vnd ein / n.w. vnd z.o. vnd es ligt ein Cliff mit cnyem Warder auff der westseiten.

Item auff der Inseln Hefnes stehn zwen Warder / da es ganz tieff ist / aber nach dem Kirchlein zu / ist es truckner / nlich dreyzehn vade / vnd man mag binne der Clipffen durch / gehn Mardow zu. Vnd wan die Drommele n.w. von euch sein / so seindt ihr auff vnd für Mardow / vnd die Insel Mardow hat zwen warder / vnd man segelt zwischen den neuen Holmen vnd der Inseln ein / Der Inseln naheß ligt eyn blinde Cliff vntter dem wasser / vnd man segelt n.n.w. ein / vmb des hötes willen auff der Voert / vnd man setzet es auff xxx. vadem. Das Östergatt von Mardow ist tieff drey vadem / vnd streckt auß vnd ein o.n.o. vnd w.z.w. vnd wan man binnen der Inseln ist / setzet mans auff xij. oder xijj. vadem.

Nordweghen.

Nordweghen welch sich vom Teudtschen Meer oder grenzßen der Gotte vnd Denmarcker / über drittehalb hundert meilē gehn Mitnacht auff stretchet / vnd an dem grossen Meer *Oceano Deucalidonio*: wirt von Schweden am Mitttag gemend vnd basz auff am Mitnachtigen / von Lappenland mit einē grossen Geburg / abegescheiden / welch höch vnd rauch / auch nimmer ohn Snee ist / also das niemant hinüber steigen oder von einem Land ins ander kommen kan / es sey dan durch sondere weg so man in den Thalen der Bergfunden / vnd zum durchzug zu wegen bracht hat. Nordweghen ist vortzeiten ein herlich Konigreich / groß von macht / vnd siegastig in krieg gewesen / wie wirz hie vonden von irehn Konigē anzeigen werdē / iest aber der Krön Denmarck vnderworfen / in armut vnd schlauerney bracht.

Diz volck ist von natur einfeltig vnd fromb / hat die frembdē leib / vnd theilet gern mit vom selbem das es hat / vortzeiten / auch noch innerhalb 50. Jar ohn gelt oder geldes gewesid / nimbt aber iest kleinen löhn. Nit sehr geneigt zum Raub / Nord / oder dieberey: wie man dan klärlich für augen sieht vnd die erfahrung lernet / dasz in diesem Land keine Meerrauben gefunden werden / auch nicht die geringeste Schute / wil gheschweigen grosse Schiff zu gemacht / oder zu beschedigung der Schiffarenden am tag kommen / da es doch über drittehalb hundert meilen (wie ghesacht) am Meer sich stretchet / vnd also voller Porten / oder See-hauen / vnd Schlupff löcher ist / zum raub vnd desselben heimlicher erhaltung oder bergung dienlich vnd wolgelegen / wie kein Land in gang Europa. Man consideriere da gegē viler andern Land tagliche übung / vnd wirt ein ander hädling (nicht so sehr auß vrsach irehn klugheit oder merem vermußens / als Naturalicher zuneigung zur dieberey) spüren vnd erfinden. Vnder Nordweghen gehören die Inseln / Nsland vnd Ferö so noch iest der Krön Denmarck vnderworfen. Hitland aber vnd die Orades stehen zu vnderpfant dem Konig von Schottland. Diz Land (wie gesagt) ist arm vnd geringen vermögens / furnehmlich am Mitnachtigen end da es an der Neußßen vnd Lappen Land grenzset / dan es ein vnfruchtbarer ort ist da kein korn wachset weil kein Land oder Erd do ist / nür harde Felsen vnd Steinrußen / haben auch kein Böt / sonder essen getrucknete Fisch an stat des Bötts / die aber die reichsten oder furnehmlichsten / gebrauchen Böt (welchs si von andere Land oberkommen) zu irehn höchzeitlichen Festen vnd gastereien. Dife Felsz vnd Steinrußen seind in den Thale voller Baum besetzt / vnd mit grossen Bald überzogē / vnd doch mit so wenig Erd bedeckt das groß wüder / wie so gering Läd die wurzel fassen / vnd sulche über auß hohe Baum tragē mag. Auch has etliche grüne pleckē an den Felsßen / da gras wachset / daselbst wohnen die Leuth / vnd weidē ihz Viech / von welchem / neben dem Fischfange si ihz leben auffhalten.

Ben Winterzeit wan die Sonnen *Tropicum Capricorni* erreicher vnd bey vns den kurtsten tag machet haben sie nummermer tag / vernehmen auch die Sonn nit / bey drey Monat lang wehrend / herwiderum im Sommer wan die Son in der Krebs lint gehet ist da nummermer nacht / vnd sehen die Son tag vnd nacht. Gehn Mittag aber nach Berggen vnd fur basz nach Denmarck zu wirt es besser / da haben die Bauren Böt vnd allerley leibes nöttrufft / es kompt auch von dannen zu vns allerley waz: nemlich Stockfisch oder Kotscher vnd anderer art Fisch / Butter / Tallig / Heutte / vnd über auß vil Holz / wie oben in beschreibung der Statt Bergen ist angezogen.